



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorm Omnium Generalium Et Provincialium Collectio Regia

Ab anno DLXXVII. ad annum DXC.

Parisiis, 1644

Epistola LXIII. Gregorii Papae I. Ad Ioannem Episcopum Syracusanum. Ad
deponendum Lucillum episcopum quatuor episcopos adhibeat.

urn:nbn:de:hbz:466:1-15221

Ad deponendum Lucillum episcopum quatuor
episcopos adhibeat.

Gregorius Ioanni episcopo Syracusano.

QUÆ aduersus Lucillum Melitæ ciuitatis episcopum querela commota sit, ex epistolarum vestrarum & gestorum quæ ad nos direxistis pagina declaratum est. Et ideo quia tanti facinoris ultio nulla debet dilatione differri; fraternitas vestra tres vel quatuor de fratribus ac confacerdotibus sibi nostris adhibeat, vt ipsis quoque præsentibus prædicta ac satisfacta veritate prædictum Lucillum de episcopatus ordine, quem huiuscemodi sceleris contagio maculauit, studeat sine ambiguitate deponere. Quia vero presbyteri vel quidam diaconi prodita iniquitatis fuisse conscii ac participes memorantur; sanctitas vestra subtili indagatione discutiatur. Et si ita repererit, ab honoris sui & ipsos similiter gradu deiiciat, & in monasteriis, vbi digne valeant pœnitentiam agere, deputet. Sed quia per hos multi in huius labem peccati perhibentur esse collapsi, cunctos qui rei esse claruerint dominici corporis ac sanguinis participatione priuare vos conuenit, atque eos vestris epistolis districtius admonere, vt litanis & orationibus operam dent, & peccati quam contraxerunt maculam flendo tergant. Quibus quando sit secundum modum pœnitentiæ reddenda communio, iudicio vestro committimus. Hoc tamen solícite vos prouidere necesse est, vt iis qui mortis vrgentur periculo viaticum non negetur. Curæ præterea sit vobis clerum & populum Melitæ ciuitatis hortari, vt quia sine proprio pastore esse non poterunt, ordinandum sibi eligant Deo propitio sacerdotem. Causam vero presbyterorum ac diaconorum, qui in lapsu accusati sunt, solícite omnino rimamini. Et si rei criminis esse patuerint, seueram in eis ultionem & canonicam exhibete; vt quanto illorum iniquitas Deum potuit ad iracundiam prouocare, tanto eum vos placare emendatione districtissima valeatis.

EPI-